


Бузрапа пачякі — Рамазан баз!

Рамазан базра гъамбикъули саби. Рамазан базла дурхъадешличила, дахъал хІядисунира, Къуръа аятунира лер. Абу Гъурайрани хІядис бурули сай: «Аллагъла Расул ﷺ викъули сай: халаси цахдешра, анцікъира саби адамлис - сунела мякълав ну гъанушили, илини набчи салат-салам хІедаахъибси. Халаси цахдешра, анцікъира сари адамлис – сунел неш, дудеш, яра илдазивадли чебиалра ца мицірли сунела мякълав левли, илини илдала хІекълизиб, сай Алжанализи арукнилис сабабли биэси гІямал хІебарибси. Халаси цахдешра, анцікъира саби адамлис, Рамазан баз бакІили, ил каберхайчи сунела бунагъуни умухъедарибси». Гурра Идбагли ﷺ бурули сай: «Рамазан баз бакІиличи развиубси адамла къаркъала Аллагъли ﷻ цІалис хІярамбарибси саб». Идбагла ﷺ хІядислизиб бурули саби: «Рамазан базла цаэси дуги бакІибхІелели Аллагъли ﷻ ирусси саби: Нуша дигуси чи виаллира Нушаб сайра дигахъехІе, Нуша чили тІалабдарахІеллира Нушани сайра тІалабвирехІе, чили Нушази тавбу дараллира, Рамазан базла дурхъадеш багъандан Нушани сунела тавбу къабулдирехІе. Пур Аллагъли ﷻ гІяхІтира, вайтира лукІути малайкунази, ихти адамтала гІяхІти лукІули вайти хІелукІахъес хъарбиру, Аллагълира ﷻ лерилра чузирадли кадикбти бунагъуни умудиру».


Ибрагъим Идбагличи ﷺ кунг, Рамазан базла цаэси дуги хъурабарибси саби. Ибрагъим Идбагличи ﷺ кунг хъурабарили, 700 дус дикили гІергъи, Рамазан базла урегеси дугилизиб Таврат хъурабариб. Таврат хъурабарили, 500 дус дикили гІергъи, Рамазан базла 12 дугилизиб Забур хъурабариб. Забур хъурабарили 1200 дус дикили гІергъи, Рамазан базла 18 дугилизиб Инжил хъурабариб. Инжил хъурабарили 600 дус дикили гІергъи, Рамазан базла 17 дугилизиб Къуръан хъурабариб. Идбагра ﷺ викъули сай: «Дила умматли Рамазан базлизир лерти далаллири, илдас лебил дус Рамазан баз биубли дигахъи». Рамазан базлизир лерил гІяхІти цаладиркути сари, барибси



тІагІят къабулбириси саби, балга-дугІялис жаваб чарбалтуси саби, бунагъуни умудирути сари, Алжана чус гъаргбириси саби. Давуд ТІайи бикІуси Аллагъла валини бурули сай: «Рамазан базла цаэси дугилизив ну гъанкікира, муэрлизиб нуни Алжана чебаира, нура Алжанала хІеркІла дублав леври. Илаб нуни Алжанала

хІурулІянти чебаира, чула дяхІла нурли илди бархІиван ухуллири, нуни ира: Ла илагъа иллаллагъ МухІяммад расулулагъ. Чулира иб: Ла илагъа иллаллагъ МухІяммад расулулагъ. Нуша, Рамазан базлизиб Аллагъ ﷻ дурхъавирутас, дубуцури дурцутас, рукугІ бирутас, сужда бирутас сарра».

Номерлизир:



Дагъиста багъа агарси мас



Алжанала унзурби ибхъути дехІбала



Чула имайзиб хилаф лебтазивадли ветмаруд!

Бусурмантачир чертира, чула хІекъанира

БУСУРМАНТАЛА МЕЖДУНАРОДНАЯ КОНФЕРЕНЦИЯ «РОССИЯЛА БУСУРМАНТИ»: БУСУРМАНТАЧИР ЧЕРТИРА, ЧУЛА ХІЕКЪАНИРА

Март базла 5 бархІи, дунъяла бусурмантала гІялимтала союз, шейх Али МухІиддин аль-Карадагила бекІдешличил Дагъистайзи бакІиб. Дунъяла бусурмантала гІялимтала союз акІахъубсири 2004 дуслизиб. Ил союзлизи шаригІятла гІилмулизиб бузути, халати гІялимти кабурухти саб. Союз хІукуматла организация хІебиаллира, ил хІукуматличи къаршили бузуси ахІен, ил хІукуматра гІеббуцили, бусурмантас бируцад пайда хес бузуси саб.

Илди Дагъистайзи бакІилисра сабабли бетаур бусурмантала ургала балбикахъни. Дагъистайзир лерти декІарбикунни агардиахъни. Илдани кадизахъурти, Россияла бусурмантала хІекъаналара, чучир черталара акт нушанира баянбирехІе. Ил акт саби, генеральный секретарь дунъяла бусурмантала гІялимтала Али МухІиддин аль-Карадагили хъардаибти, бусурмантала ургар кадизурти суалтазибад цалабикибси документ.

Суалти ва жавабти:

1. Исламра, терроризмра (даргиути, кабурушутти гІяйъиб агарти адамти, гІялимти, хъунри, биштІати. Илдала хІекълизиб Ислам се бикІулил).

Исламлара, терроризмлара чула ургаб сегъуналра бархбас лебси ахІен. Иличира къаршили илди кІелра цаличи ца къаршити секІал сари.

Дагъиста багъа агарси мас

Нуша гъаман пикридикъхъе Алжана сегъуна сабира или. Алжана селичи мешу-сира, секъяйда жагасира или гъанбиркур. Жагаси мер чебаахъеллира, ит заманализибал Алжаналичила пикруми ляркъян, ит мерра Алжаналичи цугбурцехъе. Марлира дунъяличиб Алжаналичи мешуши силъра лебси ахъен. Нушани чедиути жагати меранира Алжаналичи чидилра шайчирад цугдирку-ти ахъен. Аллагъли ❁ сунела нигъматунни 100 бутъаличи дутили, 1 дунъяличи хъурабарили, 99 алжанализир датурти сар. Амма сенилра жагати меранани нушачи-рад Алжаналичила пикруми гъеркъахъедиркахъу. Илдигъуна пикруми имцъадикъули сар Дахадаевский районлизи ухънаулхъуеллира. Дерхъиб-ти галгубани къапъдарибти вацъурбанира, шиниша къалтин къапъдарибтигъуна дубуртира, бриллиантван ухути, шурмала удирад кадухъунти хъуркъибира чедиухъели гъатли жагаси мер лебара или гъанбиркули саб. Чумилра сьгъят гъунчи-вад вашаллира, мер-мусала жагадешли бамсри гъанбир-кахъули ахъен. Хъеркъла дубла кайили, илала гъамаличи лехъизалли, ил гъатлира жагабарес деклар-декларти макъамтачил арцанти дучули сари, хъеркъла гъаманира бекъ бицибти дунъяла пикруми

сунечил дарх архули сари. Савлила замана бархъи дурабулхъуеллила жагадеш гъайли буресра хъейрар. Галгубала къупрачибси маркаличи бархъила шала къячбилкули илди алкунти чирагъуниван ухахъули сари. Пинизларад дашутти, дугъярти шинличи хупъикалли, ит къантл лебил къаркъайзибад гербухъни балули саби. Марлира ила вякъунхъели чарухъесра хъул агара. Районла динла хъянчизартира, ассаламла редакцияра бархъикили районлизир дягъватла хъянчи барес имкан бакъиб. Илкъяй-дали нушани, Аллагъла ❁ кумекличил районла деклар-декларти шимазир мажлисунни дарира. Нушаб гъурра ашкар-биуб, Дахадаевский район чебкадун ахъи, бухънабадра жагали биъни. Шимазиб-ти адамтала динличибси дигинира, чула уркъибала гъаргдешлира таманли илди мераначи диги алкъахъули саби. Сен ил район илцадра сунечибяхъи зузбикъусив? Ил аргъесра дахъал дагъри гъягъили ахъен. Аллагъли ❁ сунес диганти вайси мерличи хъурахъебирахъу. Аллагълис ❁ диганти хъярибихъибти меранира баракат агарти диэс хъедирар. Дахадаевский районлизиб калунтири Идбагла ❁ жинсла дурхъяти асхъябти. Дурхъяти Къурайшитунни калунси мер саби. Дахадаевский районла ванзализиб илди



ишбархъира лебти саб. Идбагла ❁ асхъябтани чула ватъанра батурли, чула хъалибаргунира батурли нушачи дин хили бакъибтири. Илди Дагъиста деклар-декларти мераначи хъурабиуб, илкъяйдали Дахадаевский районлизира хъурабиубтири. Ишбархъилизибра ила гъар дус зияратли азирти адамти башуси «Къала-Къурайш» бикъуси мер леб, илини Къурайшитуннала ши ибси мягъна иргъахъу. Илкъяйдали Дахадаевский районлизиб Идбагла ❁ гъамти хъербирули калунтири. Дахадаевский

районлизиб бегълара умуси, цъакъси, чумаси дин сабри викъесра вирар. Асхъябтас гъергъи бахъал гъялимтира калун, динра мурталра цаэси мерличиб бири. Ил секъал нушаб гъатлира якъинбиуб. Районлизиб, чиди шилизи ухънаухъаллира, жъав заманаля белкъи камбирули ахъен. Гъяраб мезли делкъунтала журанира, илдала мурхъси мягънанира, илабти адамтала халаси гъилмуличила бурули саб. Ца шилизирра мажлис барили гъергъи нуша ца динла узини гъяхъялдеш дарили сунечи ардукира. Илала хъулрала лацълизибси къаркъализиб ишгъуна белкъи лебри: «Дурхъяти, хъурматла гъяхъялти башули ахъен. Нуни ишти хъулрира илдала хъурматлис дарибтири. Наб дарибти диаллири, наб ца хъямамра (къаркъала ицуси мер) биусири». Ихъуна мурхъси мягънала белкъи гъман къаршибиркули саб, илди дучулухъели, илаб хъербирули калунти халабегътала халаси гъилму лебни ашкарбирули саб. Дахадаевский районла шимира, ванзурбира, илди руркъути адамтани каби-захъурливан 150 дусличибра имцъали гъалар лертири. Дахадаевский районла ванзурбачи адамти 80 – 90 азир дус гъалабал лебтири ибсира кабилзахъули саб. Илхъели илди Уллучай хъеркъла дубла хъербирутири. Илдачира имцъали, шимазир деклар – декларти луцрала хъулчни ва илдигъуна секъал лер. Историкунанира, делчунтанира илди се заманализирадал

сарил багъес бирули ахъен. Динла гъялимтани биалли сегъуналра ишквал агарли кабилзахъули саб илди асхъябтала калунти асартти сарни. Илдала баракатра ишбархъилизибра илди мераначиб балули саб. Дахадаевский районла ванзурбачибра бегълара цъакъсира, умусира дин бири. Ил балутира нушацун ахъенри. Ил секъал коммунистунанира балутири, илбагъанданра илдани Дахадаевский районличил халаси хъянчи бариб. Илдани дин гъинтлбируги, дин балути халати гъялимти сьылка-личчи бархъиб, шилизибти жагъил дурхъни арбукили, чули бучлахъули, илдала пикри таманли дарсдарили, чарбарили шилизи бархъиб. Илдира дин асубируси ахъен, дин халкъ биргъябергес дакъубарибси секъал саб ибси пикриличчи бакъахъили шимазиб бузес бехъибихъахъиб. Шимазиб калунти, чузиб гъилму агарти адамтира держли бужахъес бехъибихъахъиб. Сенахъенну держли адамла уркъилаб лебси камсилъра иман архуси саб. Держли адамлизи дегълара халати бунагъуни дирахъути сар. Ишбархъилизибра нушани касакъели, гъярус бузуги саб дикъуллира, нушала халкъра илдас гъелабулхъули ахъен. Держра коммунистуннала цаэси ярагъ сабри, иличибли халкъра чус мутлигъбакъахъибтири. Аллагъла ❁ дин биалли селичибалра цъакъси саб, ил гъинтлбикъуси тяхъяр нушанира чебиуллира.



Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Мухаммад ДАВУДОВ

Главный редактор

Заурбек (Абдулла) ЯИКБАЕВ

Редактор

Асхаб ДЖАРБАЕВ

Канонический редактор

Мухаммад ДАВУДОВ

Корректор

Асхаб ДЖАРБАЕВ

Дизайн, вёрстка

Мухаммад МУСАЕВ
Иса ОМАРОВ

Менеджер

Абдусабир АХМЕДОВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-42079 от 24 сентября 2010 г.

При перепечатке ссылка обязательна.

Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.

Заказ _____

Сдано в печать 01 июня 2014 г. в 19:00

Тираж 2. 800 экз.

Адрес редакции

367015, РД, г. Махачкала, ул. Аскерханова 13а.

Телефоны:

Редакция: (8722) 51-85-22. Подписка и доставка по г. Махачкале: 914-222. по Республике Дагестан: 8-988-699-28-24.


e-mail: assalamweb@gmail.com; www.assalam.ru

Алжанала унзурби пѳхъути дехѳбала

Таравихѳла дехѳбала – илди суннатла дехѳбала сари, Рамазан базлизир дугелила (хъатѳила) фаризала дехѳбайс гѳергъи дирути сари. Илди Рамазан базла цаибил дугиличирад бегѳла гѳергъиси дугиличи бикайчи дирути сари. Таравихѳла дехѳбала мѳжитлизир бахъличил дарх дарали дурхъати сари, илгъуна имкан хѳебиалли, хъулир хъалибаргличил, унрубачил дархли даресра асубирар. Пѳядат саблин, илди дехѳбала гехѳел ракагѳятла диру: авдехѳ дехѳбала кѳикѳел ракагѳятла, амма гъал ракагѳятла вецѳдехѳ дехѳбала дарни къулайси саби. Мухѳаммад Идбагли ﷺ гъал ракагѳятла къяйдали, гехѳел ракагѳятлара дирусари. Таравихѳла дехѳбайс гѳергъи хѳябал ракагѳятла витрула дехѳбала диру (гъала-гъала кѳел ракагѳятла дехѳбала, гѳур ца ракагѳятла). Таравихѳла дехѳбала дирнила тѳхѳяр: таравихѳ цалабикибси саби авдехѳ, яра вецѳдехѳ кѳикѳел ракагѳятла дехѳбайзибад ва илдала ургар дучѳути балгназирад, илди балгнира удир дурехѳе.

- 1) Дугелила фаризала дехѳбайс ва суннатла ратѳбатла дехѳбайс гѳергъи дугѳа бирусари саби (1-ибил балга).
 - 2) Таравихѳла цаести дехѳбала диру.
 - 3) 1-ибил дугѳа бучѳа.
 - 4) Таравихѳла кѳиести дехѳбала диру.
 - 5) 2-ибил ва 1-ибил дугѳа дучѳа.
 - 6) Таравихѳла хѳябъести дехѳбала диру.
 - 7) 1-ибил дугѳа бучѳа.
 - 8) Таравихѳла авъести дехѳбала диру.
 - 9) 2-ибил ва 1-ибил дугѳа дучѳа.
 - 10) Кѳел ракагѳятла витрула дехѳбала диру.
 - 11) 1-ибил дугѳа бучѳа.
 - 12) Ца ракагѳятла витрула дехѳбала диру.
 - 13) 3-ибил дугѳа бучѳа.
- Таравихѳла дехѳбулти-ургар дучѳути балгни, 1-ибил дугѳа: «Ла хѳавла ва ла къуввата илла биллагъ. Аллагъумма салли гѳяла Мухѳаммадин ва гѳяла али Мухѳаммадин ва саллим. Аллагъумма инна насъалукал жанната фанагѳузубика минаннар». 2-ибил дугѳа: «Субхѳяналлагъи вальхѳамдулиллагъи ва ла илагъа илла лагъу валлагъу акбар. Субхѳлана лагъи гѳадада халкъигъи ва ризаа нафсигъи ва зината гѳаршигъи ва мидада калиматигъ» (хѳяйна).

3-ибил дугѳа: «Субхѳяналь маликиль къуддус, субхѳяналь маликиль къуддус, субхѳаналлагъиь маликиль къуддус, суббухѳун къуддусу раббуль малаикати варрухѳ. Субхѳяна ман тагѳаззаза билль къудрати валь бакъаъ ва къагъгъараль гѳибада билль мавти валь фанаъ. Субхѳана раббика раббиль гѳиззати гѳямма ясифун ва саламун гѳялаль



мурсалина вальхѳамду лиллагъи раббиль гѳяламин». Илди лерилра балгни дехѳбайчибти лебтанилра ахъли дучѳути сари. Бегѳла гѳергъи ишгъуна дугѳа бучѳуси саб: «Аллагъумма инни агѳузу биризакка мин сахатлика ва бимугѳафатика мин гѳукъубатика ва бика минка ла ухѳси санаан гѳялайка анта кама аснайтга гѳяла нафсика». Пѳяли бин абу Палибли хѳядис буриб: «Гъачам Аллагъла Расуллизе ﷺ Таравихѳла дехѳба пайдаличила буряхъес тиладибариб. Идбагли ﷺ иб: «Цаибил дуги Таравихѳла дехѳбала дарибси адам бяра акѳубси дурхѳяван бунагъуназивад умувирар. Кѳиибил дуги даралли, иличивад ва илала бегѳгачивад (илди бусурманти биалли) Аллагъ ﷻ чевкархар. Хѳяъибил дуги – илизи Пяршла удирад малаикли тѳамадиру: «Хѳуни хѳела баркъуди даимбара, Аллагъ ﷻ хѳуни гъаналар дарибти бунагъуначивад чевкерхур!». Авъибил дуги даралли, илис Таврат, Инжил, Забур ва Къуръан делчѳунсилисцад керѳ бедлуга. Шуибил дуги, Аллагъли ﷻ илис Маккализибси Маскидуль Хѳарамлизир, Мадинализибси Маскидуль Набавилизир ва Иерусалимли-

зибси Маскидуль Акъсализир дехѳбала дарибсилѳичи цугси керѳ бѳахъу. Урегѳибил дуги даралли, Аллагъли ﷻ илис Байтуль Магѳмурлизир (малаикунани мурталра таваф бирусари, Кягѳябала чедибси заклизибси нурла хъали) таваф барибсилѳисцад керѳ бѳахъу. Байтуль Магѳмурлизибси гъарил биштѳаси къаркъала бутѳа ва хѳятта гѳянжи Аллагълизи ﷻ тиладидикѳар, ил адам бунагъуназивад умуварахъес багъандан. Верхѳибил дуги, ил адам, Муса идбаглис ﷺ, Ил фиргѳаванличѳи ва Гъаманличѳи къаршили дураухъунхѳели кумекбарибсилѳичи мешуиркур. Гехѳибил дуги, Ахърилла велѳ Аллагъли ﷻ илис Ибрагъим идбаглис бедибси секѳал луга. Урчѳемъибил дуги даралли, Аллагълис ﷻ Идбагли ﷺ барибси Гѳибадатлацад керѳ биур. Вецѳибил дуги, Аллагъли ﷻ илис иш дунгъяла ва ит дунгъяла гѳяхѳдешуни дедлуга. Вецѳу цара ибси дуги дехѳбала дарибсилѳи иш дунгъя, нешла кани бархъбатурси виштѳасиливан, бунагъагарли бархъбалта. Вецѳу кѳира ибси дуги, Къиямала бархѳи ил базван шаладикѳути дѳхѳличил алзан. Вецѳу хѳябра ибил дуги, ил Къиямала бархѳи лерилра

мусибатуназивад урехѳагар виру. Вецѳу авра ибил дуги, малаикунани бѳкъридеш диру ил адамли Таравихѳла дехѳбала дариб или, ва Къиямала бархѳи Аллагъли ﷻ ил хѳисаб-суайзивад акъувалта. Вецѳу шура ибил дуги, малаикунани, илдала лугѳилизѳи Пярш ва Курс бѳхутанира, ил дурхъасили чейу. Вецѳу урегра ибил дуги, Аллагъли ﷻ ил жагъаннаблизивад мѳхѳамварили, Алжанализи вѳахъу. Вецѳу верхѳра ибил дуги, Аллагъли ﷻ илис идбагунас лугусигъуна савгъат луга. Вецѳу гехѳра ибил дуги, малаикли тѳамадиру: «Аллагъ ﷻ гъарли-марли хѳечи ва хѳела бегѳгачи разили сай». Вецѳу урчѳемра ибил дуги, Аллагъли ﷻ Алжанализиб илала даража Фирдавслайчи абиркахъу. Гъаибил дуги, Аллагъли ﷻ илис шагъидунас ва гѳябидунас бедлугусигъуна керѳ бедлуга. Гъану цара ибил дуги, Аллагъли ﷻ илис Алжанализиб нурлизѳибад юрт биру. Гъану кѳира ибил дуги, ил адам Къиямала бархѳила къакъадешлизивад мѳхѳамвиру. Гъану хѳябра ибил дуги, Аллагъли ﷻ илис Алжанализиб шагъар тѳашбалта. Гъану авра

ибил дуги, ил адамла 24-дехѳ дехѳбала къабулдиру. Гъану шура ибил дуги, Аллагъли ﷻ хѳябла гѳязабтазивад урцахъу. Гъану урегра ибил дуги, Аллагъли ﷻ ил, 40 дус суждалѳичи кайзурсилѳисцад керѳ бѳахъубли, ахъурцу. Гъану верхѳра ибил дуги, илини Сиратѳла гуми лѳамцѳла агѳиличил ихъу. Гъану гехѳра ибил дуги, Аллагъли ﷻ илала даража Алжанализиб азирнали имцѳабѳирахъу. Гъану урчѳемра ибил дуги, Аллагъли ﷻ илис азирна хѳяжлизѳи вѳкъунсилѳисцад керѳ бѳахъу. Хѳябцѳали ибил дугилизѳирра даралли, Аллагъли ﷻ иру: «Я дѳла лагъ! Алжанала цѳедешла муридеш багъи, Саль Сабильла шиннѳизв вази, Алжанала Кавсар хѳеркѳла шин держа. Ну хѳела Аллагъра, хѳу Дѳла лагъри». (Хѳядис «Нузгъатуль Маджалис» жузлизѳибад кѳасибси саби). Узби ва рузби! Даширая, ил базлизир нуша Акѳахъубсини ﷻ бурибси къяйдали разидирехѳе. Керѳла баркъуддуми, гѳибадатуни, балгни имцѳали дирехѳе. Нушала мезани нѳсдешуназирад умудирехѳе, урѳбазѳибад гѳими убисехѳе! Аллагъли ﷻ нушаб илбагъандан иш дунгъяличѳи къяйдали, Ахиратлизѳира гѳяхѳдеш гѳебѳахъу.

Бузрапа пачяхі — Рамазан баз!

1 « Илбагъандан Идбаглира ﷺ бурули сай: «Алжана авал жу- рала адамтас барибси саби: Къуръай бучутас, чула лезми гъягъни агартази- бад бихутас, гушти балхутас, Рама- зан базлизиб дуббуцури дурцутас». Хядислизиб бурули саби: «Рамазан баз бакъибхели, Гяршлира, Курсли- ра, Малаикунанира, гур калунтани лебиллира тмадарили иру: Халаси разидеш саби Мухъяммадла ﷺ уммат- лис, Аллагъли ﷺ чус хядурдарибти! Аллагъ ﷺ чула бунагъуначивад чеввер- хахъес бархи, баз, зубри, гъавализир- ти арцанти, урхъназирти балихъуни, дунъяла къакъличибти лебилра чузир жан лерти тилади диклар. Истигъфар хебирули кавлуту шайтунти цун саби. Шала дикъибхели, Аллагъли ﷺ Сунела малаикунанира, рамазан базли- зир лерил чули дирути дехлбалара, тасбихлунира Мухъяммадла ум- матлис дирахъес хъарбиру». Ца заманализив, Мухъяммад бикъуси адам леври. Илини секъяйдаллира дехлбала дируси ахленри, амма Рама- зан баз бакъибхели, илини чегъули жагати палтарра, сунечи жагати тлеманира чахъдарили, дехлбала дирес вехирхъи, сунела калунтира черихъи. Адамтани илизи хъарбаиб: «Сен хлуни илди дирусири?» Мухъяммадли жаваб чарбатур: «Иш баз тавбулара, уркелцилара, баракатлара саби, иш базла дурхъадеш багъандан Аллагъли ﷺ набчира уркелци барили, набчива- дра чевкерхесту». Ил вебкиб, ва ил муэрлизив чеваиб. Аллагъли ﷺ сунес се барибал хъарбаибхели ил виклар: «Нуни Рамазан баз дурхъабирни багъандан Аллагъли ﷺ набчи уркелци барили чевкерхур». Пумар асхлябли ﷺ хядис бурули сай: «Хушазивадли че виалра, Рамазан базлизив сунела гъанклизивад чеваргъили, суне- ла ухъалав ца шайчивад ца шайчи сирухъунхели илизи малаикли иру: Айзи, Аллагъли ﷺ хлу баракатла вараби, хлечи уркелци бараб. Савлила дехлбала дарес пикриличил ил адам айзурхели сунела ухъани илис булгу- ли иру: Я Аллагъ! Хлуни сунес Алжа- нала дурхъаси ухъа бедагу. Илинии палтар челгъухели, палтарлира илис балга бирули диклар: Я Аллагъ! Хлуни сунес Алжанала разидешлуми дедагу. Илини даври челгъухели, даврини илис балга бирули диклар: Я Аллагъ! Хлуни сунела къяшми Сиратла гуми- личир тясхедухъахъи чумадарагу. Гажин касибхели, гажинли илис балга бирули биклар: Я Аллагъ! Хлуни сунес Алжанала гъялхъана дедагу. Дазала дарес кайибхели, шинли илис балга бирули диклар: Я Аллагъ! Хлуни сай лерил бунагъ-хатгализивад уму- варагу. Дехлбала дарес тлашизурхели хъулрани илис балга бирули диклар: Я Аллагъ! Хлуни сунела хляб гъарзаба- рагу, сунела хляб шалабарагу, сунечи хлела уркелцира имцлбарагу. Аллагъ- ли ﷺ сунечи уркелци биру, лерил сунес балга-дугъа дирухели Аллагъра ﷺ виклар: Я Дила лагъ! Хезибадли балга Набзибадли балга къабулбарес, хезибадли тиладивикес Набзибадли хлуни тиладибируси гес, хезибадли тавбу дирес Набзибадли хлела буна- гъуни умударес». Пурра хядисуназиб бурули саб: «Рамазан баз Къяммала бархли бегълара жагаси сипатличил бакъили Аллагъла ﷺ гъалаб сужда биру, Аллагъли ﷺ сунези иру: Я Рама- зан! Хлела хляжат бура. Хлела дурхъа- деш багъурсила някъ буцили арбука.



Рамазан баз Къяммала бархли бируси Пярасатличибад ласбухъи, Сунела дурхъадеш багъурти лебил баргили, някъби дуцили барх Аллагъла ﷺ гъала аркути саби. Аллагъли ﷺ иру: Я Рамазан, хлед се дигахъади? Рамазан базли иру: Наб дигахъаси, ишичи Хлед мутлгъабакъибтала таж баршили. Ал- лагъли ﷺ итичи азир таж диршу. Пур итис, халати бунагъуни дирули калун- ти, Жагъанаблизи лайбакес хядурти 70 000 адамлис шафагъят барахъес ихтияр бедлуга. Пур Аллагъли ﷺ сунес азир хурулгъан шери бедлуга, гъар хурулгъайчил барх 70 000 къулукъчи рурсби бедлуга, гур ит адам буракъли- чи алта. Аллагъли ﷺ Рамазан базлизи гурра хъарбиу се дигахъил, Рамазан базли иру, ит адам Идбагла ﷺ унра- личи хъураварили дигахъаси или, Аллагъли ﷺ ит Фирдавс Алжанализи хъуравиру. Аллагъли ﷺ гурра хъарбиу Рамазан базлис се дигахъил, Рамазан базли иру, хлуни дила лебил хляжат барири. Аллагъли ﷺ гъатлира гъар шагъарлизир азир къялгъара дедлуга». Ибну Гъябасли хядис бурули саби, сунезибра биклар: «Рамазан базла цаэ- си бархли Пяршла удибад дягъ булхъан сунесра мусират или биклар. Ил дягъли Алжанализирти гулгала къапъри вяш- диру, ихтазибадлира, гъалаб чилилра хлелакъибси жагаси тламала бикъу, илдаци хурулгъянти хербизули биклар: Я Аллагъ! Хлуни нушаб иш базлизиб Хлела лугъразибадли муй- ли гагу. Рамазан базлизив дуббуцури дурцули калунси лагълис Аллагъли ﷺ ихти хурулгъянти шери бедлугути саб. Гъарил Алжанала хъунуйс, жемчугли бирбубси, хлунтлена якъутла тах бед-


луга, гъар тахличир 70 ухъара, деклар- декларти деркестанира, держестанира дицибти 70 устугла дедлуга. Ихти лерилра, чъянкли Рамазан базлизиб дуббуцури дуцибилис, дуббуцурала дурарад дарибти гъялти гъямалтас дедлугути агарли, лерти сари». Илба- гъандан бусурман адамлис Рамазан базла халаси хурмат бирес хляжатси саб, лерил вайтира датурли гъялгъачи даимвизни, дехлбала имцлдарни, калунти лерли диалли черахъили дарни, имцла-имцлалли тасбихлуни, истигъфар- ти дирни, Къуръай учни. Аллагъра ﷺ Муса идбаглизи ﷺ виклар: «Я Муса! Нуни Мухъяммадла умматлис кел нур дедибсира, чус кел цъябдешли зарал хлеларахъес багъандан. Мусани ﷺ Аллагълизи ﷺ хъарбаиб: Я Рабб! Се нурани сару ва се цъябдешуни сару? Аллагъли ﷺ иб: Нурани сар Рамазан базра, Къуръанра. Цъябдешуни сар хлябра, Къяммала бархлира». Анас бину Маликли хядис бурули сай: «Рамазан базлизив гилмула мажлисличи вя- къунси адамлис, гъар сунени кацлибси къяшла ганзлис, Аллагъли ﷺ ца дуслла гилбадатла керил лугла, сайра Набчил варх Пяршла удив вирар. Рамазан базлизив Джамагъятла дехлбайчив даимвиубсилис Аллагъли ﷺ Сунела нигъматунани бицибси шагъар бедлу- га. Рамазан базлизив сунела бегъгала хурмат имцлбарибсилчи Аллагъли ﷺ сунела уркелци хъурабиру. Рама- зан базлизир, сунела мурул разили калахъунси хъунул адамлис, Марьям- лара, Асиятлара керил бедлуга. Рама- зан базлизиб сунела бусурман узила хляжат барибси адамла, Аллагъли ﷺ Къяммала бархли 1000 хляжат диру».

Пурра Аллагъла Расул ﷺ виклули сай: «Рамазан базлизив, Аллагъла ﷺ мижи- туназибадли чидилизиб биалра шала алкахъунсилис, Аллагъли ﷺ сунела хляб нурли шалабиру, их мижитлар дехлбала дирутала керира бедлуга, малаикунани сунес тасбихлуни дучла, их мижитла ухнав левалли, Пярш бихути малаикунани сунела бунагъуни умударахъес тиладбиклар». Пурра нушала Идбагъ ﷺ виклули сай: «Рамазан базла цаэси дуги бакъибхели, Аллагъ- ли шайтунтира, жиндрира дилгъути сари, Жагъанабла унза къяпдирути сари, ва ихтазибадли сегъуналра унза ибхъуси ахлен. Алжанала унза ибхъу- ти сари, ва ихтазибадли сегъуналра унза къяпбируси ахлен. Аллагъра ﷺ Рамазан базла гъар дугилизив хляйна виклуси сай: Се биалра тилади бируси левли виалли, сунес дигуси бедага, тавбу дируси левли виалли сунела тавбу къабулдарая. Рамазан базла гъар бархли Аллагъли ﷺ, саби жагъанабла цлализи лайбакес лайкъти ца милли- он лугъри, цлализибад берцахъили батиути саб, Рамазан базла жумягъи бархилизиб гъар сягъят, ца миллион лугъри батиути саб. Рамазан базла бегъла гъергъиси бархилизиб, лебил базла бухнаб берцахъибти ца бер- цахъили батиути саб».

Нушаб ихцад дахъал пайдурти лерси Рамазан баз гъибни, Аллагъли ﷺ нуша- чи барибси халаси уркелци саб. Ну- шанира нушачи барибси уркелцилис камсильра шукру барес чебла саб. Аллагъли ﷺ нушаб кумек бараб, дур- хъаси Рамазан базлизиб нушани барес дирусигъуна гилбадат барахъес. Амин!

Чула имайзиб хилаф лебтазивадли ветмаруд!

Бусурман адам «агълу сунна валь джамагъятлизи» халварес багъандан ил авал мазгъаблизивад ца мазгъаблизив виэс чебла саб. Яра Имам Шафигъла мазгъабла, яра Имам Абу Хянифала, яра Имам Маликла, яра Имам Ахмадла мазгъаблизив. Иличи дурусли гъякьидала кѳел мазгъабла ца мазгъаблизив виэсра чебла саб. Яра Имам Абулхясан Ашгъярила, яра Лиматуридиятунала мазгъаблизив виэс хяжатбиркур. Нушала Идбаг ﷺ вебкѳибхѳели, 23 дусла бухнаб Идбагла ﷺ дин лебил дунгъяличи тинтѳибубли чебиули, Идбаг ﷺ секъяйда дурхъяси леврилра чебиули, илди чусра дигули деклардекларти къянала идбагунидакѳубиуб. Илдачил ургъулира калун Абу Бакр асхѳаб ﷺ. Илкъяйдали нушала заманализибра леб, чус пахрудеш дигули деклардекларти мераначиб къянала устазунидакѳубиули. Илди гъуна анѳѳубукъуни сегъунаира заманализир камдирути ахѳенри. 900 дусличи гъамли гъалабра, Аллагъла ﷺ сипатуни чули иргъуливан баяндирути адамти дакѳубиубтири. Цабехѳгани Аллагълис ﷺ мер лайкъбирутири, цабехѳгани адамталагъуна биркѳанти лайкъдирутири ва гъурра цархѳилти дархъти ахѳенти секѳал лайкъдирутири. Илхѳели Имам Ашгъяринира, Лиматуридиятунаира бархъси гъякьидакабизахъуртири. Гъякьидара саби Аллагъ ﷺ вагъни, Аллагъла сипатуни дагъни, Аллагъла ﷺ хѳекълизир чертира, асухѳедирутира, диэсра дирути, хѳедиэсра дирути секѳал дагъни. Илкъяйдали идбагунала хѳекълизир чертира, диэс асухѳедирутира, диэс дирутира, хѳедиэс дирутира секѳал. Гъарил бусурман адамти дагъес черли детаурти гъякьидала 50 сипат лерти сари. Илди лерилра, гъариллис чула далилтачил дагъес чебла саб. Далилтира кѳел журала лерти сар, «иджмали», «тафсили». Иджмали далил саб – масала Аллагъ ﷺ левнилис далил иш дунгъяра, дунгъяличир лерти секѳалра сар. Дунгъя Аллагъ ﷺ левнилис далил сабни балули амма ил се шайзибадди далилли бетарулил балули хѳебиалли далил иджмали бетарар. Ил багъаллира биур бикѳули саб имѳѳалинти гъялимти. Амма цабехѳ гъялимти бикѳули саб далил тафсили багъес чебла саб или. Тафсили далил саб – Аллагъ ﷺ левнилис далил иш дунгъя саб. Се шайзибадди дунгъя далилли бетарулив? Иш дунгъяра, ишар лерти лерил секѳалра, агарли гъур дакѳудиубти сар, агарси секѳал сунезибадди саб дакѳубиз бирус ахѳен, ил аклахъубси виэс хяжатбиркур. Их балнира далил «тафсили» саб. Ихти 50 гъякьидала сифат




дагъни хябал секѳайчи хъардиркути сар. 1) Ваджиб, 2) мустахѳил, 3) джаиз. Ваджиб саб – саб лебли биъни чеблалл бетаурси секѳал, ил агнира нушала гъякьлуни къабулхѳебируси. Масала: галг биаб, къаркъа биаб, миѳѳираг биаб, гъарил секѳай гъавализиб сунечи лайкъси мер бурѳуси саб, биштѳасини биштѳаси бурѳу, халасини халаси бурѳу. Илдани гъавализиб мер бурѳуни чеблалл бетаурси саб, галли яра къаркъани гъавализиб мер бурѳули ахѳен аллира нушала гъякьлуни ил къабулхѳебируси, сенахѳенну ил биэс бирус ахѳен. Аллагъла ﷺ хѳекълизирра диэс черли диубти, хѳедиэсра хѳедирути 20 сипат лерти сар, идбагунала хѳекълизир 4 сипат лерти сар. Мустахѳил саб – саби биэс хѳебируси секѳал, ил лебнира нушала гъякьлуни къабулхѳебируси. Масала: вяшхѳейкѳуси адам паргъатли вирар, паргъатли ахѳенси адам вяшѳикѳули вирар. Амма адам я вяшхѳейкѳули, я паргъатли ахѳи виэс хѳейрар. Илди кѳелра анѳѳубукъ ца адамлизир цаладикес хѳедирар. Цаладикнира нушала гъякьлуни къабулхѳебируси. Аллагъла ﷺ хѳекълизир диэс хѳедирутира, диънира нушала гъякьлуни къабулхѳебирути 20 сипат лерти сар, идбагунала хѳекълизир 4 сипат лерти сар. Джаиз саб – биэсра асубирус, хѳебиэсра асубирус. Масала: нушази алли пулан адамла виштѳаси лев или, нушала гъякьлуни

ил секѳал къабулбиру, илкъяйдали ил адамла виштѳаси агара ибсира къабулбиру, сенахѳенну илди кѳелра диэс дирути анѳѳубукъ сари. Аллагъла ﷺ хѳекълизибра илгъуна ца сипат лебси саб, идбагунала хѳекълизибра ца сипат лебси саб. Лерил дарх 50 сипат адикиб, илдара чула далилтачил дагъес чебла саб. Гъякьидализиб такълид бикѳуси мягънара лебси саб. Такълид саб – адамли гъякьидала 50 сипат далули амма илдас далил хѳебаллалли. Илгъуна адамлисра «мукъаллид» бикѳар. Масала ца адамлизи лерилра Аллагълар ﷺ, идбагуналар сипатуни дурили сари. Илра илдачи чѳумали вирхъаули сай ва се балагъ бакѳаллира сунела имайзиवाद дурахѳелхъяс вѳѳули сай, амма илди сипатунала далилти далули ахѳен. Илгъуна адамла иманлизиб гъялимтала хилаф леб. Цабехѳ гъялимти бикѳули саб илгъуна адам бусурман ахѳен, капур сай или, декларти бикѳули саб бусурман сай амма илди хѳедалнилис бунагъкар сай или. Дагъистайзибра имѳѳалинти адамти мукъаллидуни саб или гъанбирѳули саб, сенахѳенну чизи хъарбааллира, сифатунас далилти ахѳенну сифатуни далусира рахли ахѳенси къаршивирѳули ахѳен. Ихра халаси балагъ саб, батесра асухѳебируси. Илбагъандан нушанира Аллагъли ﷺ икъала барали къайгъибирехѳе, гъар номерлизир лукѳули, лерил

сипатунира илдас далилтира баяндарес. Аллагъла ﷺ хѳекълизир черли детаурти сипатуназибад цаэси «вуджуд» саб. Вуджуд саб – Аллагъ ﷺ левни. Секѳал лебнира нушани ил лебнилизивад балутира. Лебси секѳайсра агара дикѳес хѳедирехѳе. Нушани лерил, лерли чедиути секѳал лерти сари. Аллагъра ﷺ левси сай, нушала гъалаб пардав хѳебиаллири Аллагъ ﷺ чеваэсра дирехѳери. Алжанала агъулисра илгъуна разидеш вягъдабирули саб. Аллагъ ﷺ левниличидалилтира нушани гъалабра буриливан, иш дунгъяра дунгъяличир лерти лерил секѳалра сари. Нушаб ашкарливан иш дунгъя агарли гъур дакѳубиубси саб, илкъяйдали дунгъяличир лерти лерил секѳалра агарли гъур дакѳудиубти сар. Агарси секѳалра сунезибад саб дакѳубиз бирус ахѳен, ил дакѳубарибси виэс хяжатбиркур. Имам Абу Хянифа ﷺ ца заманализив атѳистличил (Аллагъличи ﷺ вирхъѳеруси) жалухъун. Атѳистлира Аллагъ ﷺ левни секъяйда кабилзахъида или ибхѳели, Абу Хянифани пулан заманализиб, пулан мерличибакѳахъес хъарбариб. Атѳистра, гъурра бахъал халкъра илаб цалабикиб, Имам биалли къанирули. Илхѳели атѳистра вявикѳес вехѳихъиб, урукѳули хѳевакѳиб или. Имамли илдара лебил бархѳи гъашбатур, гъур илди арбукъес балбизурхѳели дакѳубиуб. Иличи атѳистра, адамтира чебухъун урух-

виубрив или. Имам виѳлар хѳушани гъаланачи хъарбааягу ну сен къаниубрал или. Илдани хъарбаибхѳели имам виѳлар: «Ну хъуливад иша вакѳес багъандан хѳеркѳ ахъес хяжатси саб, ишбархѳира хѳеркѳи мякъла вакѳибхѳели, хѳеркѳ ахъес я гами, я гами аги. Илкъяйдали гъашизурли, хѳеркѳ секъяйда ихъусил пикривѳѳули левалли дягѳ ахъбиуб. Дягѳли галгубала къялуби кадикахъиб ва илди сарил цаладикили наб гами бетаур, нунира ил гамилчиб ахъили хѳеркѳра иша вакѳира». Имамли дурибти дакъибхѳели атѳист, сунезибад саб гами бетаэс бирусив, абдалвиублирив или дукъарвирхѳес вехѳихъиб. Илхѳели имам виѳлар: «Сунезибад сабил гамира бетаэс хѳебиралли иш дунгъя секъяйда бетарусив?». Ихкъяйдали имамли Аллагъ ﷺ левни кабизахъурсири. Иш дунгъя дакѳубиз гъалаб, дакѳубиз бирнира, дакѳухѳебиубли калес асубирнира царугти сарри. Нушани чебиуливан иш дунгъя дакѳубиубли саб, ихизибадлира бетарули саб, кѳел царугти секѳайзибад ца декѳѳиубли сабни. Кѳел царугти секѳайзибад ца декѳѳиэс чилалра баркъуди агарли сабилкъи хѳебирар. Ихизибадли нушаб ашкарбирули саб, иш дунгъяра, гъурти лерил секѳалра агарли дакѳудиубти сар, ихтира сарил дакѳудиз хѳедирар. Ихти лерил дакѳударибсира, гъар секѳал аклахъубсира Аллагъ ﷺ сай.

Кроссворд



Кроссвордлизир дакьибти кьирка хьурпри ца хьярпрлизи халдиру

ШайчидяхI:

1. Идбагла ۞ 8-ибил хьунул.
3. БусурмантI Маккализибад МадинализI хьурабиубли, чула цьакь камли лебалли капурти чебухьес балбизурхьели, шагьар берцахьес Идбагла ۞ пикриличибли се бариба?
5. Хьунул адамтазирадли дегьлара дахьал хьядисуни дурибси.
7. НухI идбагла ۞ гамила асар баргибси дубура.
8. Хьатгилара, маркачилара дехьба ургар дирути, дурхьати суннатла дехьбала.
10. МаккализI ухьнаухьунхьели бируси тьавафлис сегьуна бикларара?
12. Адам ۞ Алжанализивад дураибхьели пашманхьедиубли калунти.
13. Ил адам вебкьниличиб азир гьявам адам бекьни гьялабси саб ибси хьядис леб.
14. Аллагьли ۞ Идбаглис ۞ бедибси бегьлара халаси мугьжизат.
16. Аллагьли ۞ сунес у бедибси асхьаб.
19. Идбаг ۞ виклар: «Дугила гьегьиси бутгализиб гьибадат бирутачи хьурабирар».
21. Дехьбайзиб ваджиблира бакьибси, абгьязлира (дехьба бутгIа - хьебарнили дехьбала хьеделхьуси, барни дебали дурхьаси) бакьибси.
22. Дуббуцарилис кумекли бетаурси.

Чедирад удидяхI:

2. Алжанализирад дураибхьели Хьява хьураарибси шагьар.
4. Идбагли ۞ балга барибти чумиздагунала жинс (сорт).
6. Жагьанаблизибси галги.
9. Хьядисуназиб, саб лагьла баз саби или бурибси баз.
10. Цьэси ханж (гьибадатлис тьашбатурси памятник) чила уличил тьашбатура?
11. Мьхьмуд афандила кь.с. зиярат лебси шагьар.
13. Идбагли ۞ иб: «Ну гьилмула хьали сайра, ил хьалила унза сай».

14. Дегьлара цьэсти жумьгьла дехьбала дарибси мижит.
15. Илди дехьбала дарибсини иш дунгьа нешли варибхьеливан бунагь агарли балта ибси хьядис леб.
17. Кьурьайзиб у гьанбушибси хьунул адам.
18. Бегьлара гьялаб хьурабарибси Кьурьа аят.
20. Идбагли ۞ бурибси, бирули уибси, бирусилис кьаршидеш хьедарибсилис биклар.....
23. Идбагли ۞ сунези иб: «Хьуни вегьла гьяхьси адам кавшири, вегьла вайсира каршидра».

Сихьрукьянала хьяд — кавшни саби

Иш бархьила заманализиб адамти леб, сабира гьявамла адамли балхьебалуси секьал балулира или, адамти биргьябергилли, чула гьямал бирути. Илдигьунти адамти ишбархьИ дебали бахьал саб, илдала лугьИ багьесра хьейрар. Илдазибадли саб - сихьру дучьуги, ва илди дьаркьурли халкь биргьябиргантI. Илдази биркути ва илдачи башути бахьалгьунтира, Аллагьла ۞ дин хьебалутI ва динла аслу хьебалутI адамти саб. Илди сихьру дьаркьес, дирес ва илдачи вирхес асубирусI ахьен. Ил дебали халати бунагьуназибадли саб. Аллагь ۞ викьули сай Кьурьайзив (мягьна): «Шайтглан куфрулизI бикибхьели, ил бехьибхьибсири адамти сихьруличI бурсибирес ...» (Аль-Бакьара:102). Шайтгланла, адамти сихьруличI бурсибирнилизIбад сегьуналра кьас лебси ахьен илди куфрулизI бикахьни ахьенси, сегьуналра декларси пикри лебси ахьен. Куфру биалли, бегьлара халаси бунагь саби. Иш нушала кьиянси ва бахьалгьунта-

ни Аллагьла ۞ дин хьебалуси замана, леб адамти ил халаси бунагь биьни балутира, хьебалутира. Амма ил куфру биьни бахьалгьунтани балули ахьен. Аллагьли ۞ хьарбарибси хьебирни - бунагь саби, Аллагьла ۞ амруличI, хьарбаркьличI, гьягьиниси ахьен ибси кьасличил мугьтIгьлекьни - куфру саби. Масала: адамти держ яря папурус дужни асхьедирути дьгни хьебалутI дужули виалли - ил бунагь саби, амма илди ва цархьилти секьал, сарира Аллагьли ۞ хьярм дарибти секьал, асудирети сар викьули виалли - ил куфру саб. Илгьуна саб анцьбуьк сихьру дируси адамлара. Гьялаб шайтглан малаикуначил барх, илдас дурсри кадирхьули, Алжанализиб лебсири. Аллагьли ۞ Адам ۞ акьахьубли ва илис бекьI гьяшбуцахьес хьарбарибхьели, Аллагьла ۞ ил амруличI шайтглан мугьтIгьбакьибси ахьенри. Илини ибсири ну акьахьубра цьализибад, Адам акьахьубри гьянжиллизивад, цьа ахьси саб гьянжилличиб, илбагьандан нуни

Адамла ۞ хьурмат барили, илис бекьI гьяшхьебурчис. Илхьели Аллагьли ۞ шайтглан Алжанализибад дуракаиб ва лебил АллагьличI ۞ иман бухибти бусурмантас душманли бариб. Ил саб ишбархьИ шайтгланла кьасра, сабикьйИда адамти Аллагьла ۞ динлизIбад гьярахьбиахьубли ва сихьруличI бурсибарес. ИлкьйИда цабехьI сихьруличI бурсибарес, декьарти илдачи бирхаахьурли Аллагьла ۞ динлизIбад гьярахьбарес бузуси саб. Нушала Идбаг Мухьаммад ۞ викьули сай: «Сихьру - куфрула ва адам кавшнила дегьлара халати бунагьунас гьегьИ халаси бунагь саб». ШаригьятлизIб сихьру бирусI адамла хьяд (наказание), ханжай бекьI чьабьахьни саб. Идбаг ۞ викьули сай: «Хьябал журала адам Аллагьли ۞ Алжанализи хьебурхьу: 1) Держли ужуси ва держ дирусI адам, 2) гьямдешла ургала белхьуси адам, 3) сихьрукьяначи вирхаурси адам». ИлизIбадли нушабра ашкарли саб илди секьал халати бунагьла дьгни. Илдира чили

биалтра хьярмдарибти ахьен, илди хьярмдарибти сар нуша акьахьубси Чевьахьси Аллагьли ۞. Нушала Идбаг ۞ викьули сай: «Сихьрукьяначи или хьуливад че дураухьаллира, илала дехьбала Аллагьли ۞ кьабулхьедиру авцьали бархьИ. Сихьрукьяначи вакьили, иличи вирхаалли, ил ИдбагличI ۞ кьаршиси ва куфрулизI викибси ветарар». Илгьуна пикри лебсилес, яра илдачи вашусилес кьялабали тавбу дарес чебла саб, Аллагь ۞ сунечив чевьрахьес дугьавизес хьятбиркур. Нушала замана тьинтIбиубли саб, сегьуна кьиян бакьаллира, хьйиван-мицьирагь бетахьаллира, сихьрукьяначи дучьибкьули саб. Ил асубирусI секьал ахьен, сенахьенну халаси бунагь саб. Илра адамла иманлизIбад дигахьу. Аллагьли ۞ нушала уркьабизиман имцьабараб, Аллагьли ۞ нуша лерилра сихьрулизIрад ва илди дирутала зарултазирад дерцахьаба! Амин.

Исмаилов Абдулхьямид Исмаилович

